

ЎЗБЕКИСТОН RESPUBLIKACI VAZIRLAR MAҲKAMACI SINING
ҚАРОРИ

227 Кичик тадбиркорлик субъектларига тегишли бўлган ташкилотлар таснифлагичига ўзгартиришлар киритиш тўғрисида

Тадбиркорлик фаолиятини кенг ривожлантириш учун қўшимча қулай шарт-шароитлар яратиш, шунингдек иқтисодиётнинг меҳнат кўп сарфланадиган айрим тармоқлари бўйича кичик корхоналар ходимларининг чекланган ўртача йиллик сонини кўпайтириш мақсадида Вазирлар Маҳкамаси **қарор қилади:**

1. Вазирлар Маҳкамасининг 2016 йил 24 августдаги 275-сон қарори (Ўзбекистон Республикаси ҚТ, 2016 й., 8-сон, 81-модда) билан тасдиқланган Кичик тадбиркорлик субъектларига тегишли бўлган ташкилотларнинг таснифлагичига қуйидаги ўзгартиришлар киритилсин:

2017 йил 1 апрелдан бошлаб 1-иловага* мувофиқ;

2018 йил 1 январдан бошлаб 2-иловага* мувофиқ.

2. Ўзбекистон Республикаси Иқтисодиёт вазирлиги, Молия вазирлиги, Давлат солиқ қўмитаси ва Савдо-саноат палатаси:

киритилаётган ўзгартиришларнинг иқтисодиёт тармоқлари ривожланишига ва Ўзбекистон Республикаси Давлат бюджети тушумига таъсирининг тизимли мониторингини олиб борсинлар ва баҳоласинлар;

ушбу қарор қоидаларини ёритиш бўйича тадбиркорлик субъектлари ўртасида кенг тушунтириш ишлари олиб борилишини ташкил этсинлар.

3. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

**Ўзбекистон Республикасининг
Бош вазири**

А. АРИПОВ

Тошкент ш.,
2017 йил 6 апрель,
184-сон

* 1-2-иловалар рус тилидаги матнда берилган.